



Mješoviti Holding „ERS“
MP a.d. Trebinje
ZP „Hidroelektrane na Drini“ a.d.
Višegrad

**Odluka Uprave
Preduzeća**

UPRAVA PREDUZEĆA

Broj: UP-16-08/18

Datum: 30.03.2018. godine

Na osnovu člana 69. stav (1) pod b) i člana 70. stav (4) Zakona o javnim nabavkama Bosne i Hercegovine („Službeni glasnik BiH“ broj:39/14), člana 55. stav (1) pod b) Pravilnika o javnim nabavkama ZP „Hidroelektrane na Drini“ a.d. Višegrad, broj:UP-09-16/16 od 16.03.2016. godine i člana 57. i 100. Statuta MH „ERS“ MP a.d. Trebinje - ZP „Hidroelektrane na Drini“ a.d. Višegrad, provedenog otvorenog postupka, na Preporuku Komisije za javne nabavke broj:04-02-172-1-5/18 od 19.03.2018. godine, u predmetu nabavke roba – „Uređaj za tretiranje i manipulaciju sa SF6 gasom“, Uprava MH „ERS“ MP a.d. Trebinje - ZP „Hidroelektrane na Drini“ a.d. Višegrad, na šesnaestoj sjednici, održanoj dana 30.03.2018. godine, donosi

**ODLUKU
o poništenju postupka javne nabavke**

Član 1.

Prihvata se Preporuka Komisije za javnu nabavku, broj:04-02-172-1-5/18 od 19.03.2018. godine i postupak javne nabavke roba – „Uređaj za tretiranje i manipulaciju sa SF6 gasom“ se, u skladu sa članom 69. stav (2) pod d) Zakona o javnim nabavkama BiH („Službeni glasnik BiH“ broj:39/14) i članom 55. stav (2) pod g) Pravilnika o javnim nabavkama ZP „Hidroelektrane na Drini“ a.d. Višegrad, broj:UP-09-16/16 od 16.03.2016. godine, poništava.

Član 2.

Postupak javne nabavke će se ponoviti u zakonski predviđenom roku.

Član 3.

Za izvršenje ove Odluke zadužuju se i ovlašćuju Služba za komercijalne poslove i Uprava Zavisnog preduzeća.

Član 4.

Ova Odluka objaviće se na web – stranici Preduzeća, shodno članu 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja.

Obrazloženje

Komisija za javnu nabavku Zavisnog preduzeća, imenovana Rješenjem direktora Preduzeća, broj:04-02-172-1/18 od 27.02.2018. godine, podnijela je Upravi Preduzeća Izvještaj o radu Komisije, broj: 04-02-172-1-5/18 od 19.03.2018. godine, u predmetu nabavke roba – „Uređaj za tretiranje i manipulaciju sa SF6 gasom“.



Mješoviti Holding „ERS“
MP a.d. Trebinje
ZP „Hidroelektrane na Drini“ a.d
Višegrad

**Odluka Uprave
Preduzeća**

Postupak javne nabavke roba – „Uređaj za tretiranje i manipulaciju sa SF₆ gasom“ je proveden putem otvorenog postupka, gdje je kriterijum za dodjelu ugovora bio najniža cijena. Procjenjena vrijednost javne nabavke je 190.000,00 KM, bez uračunate vrijednosti PDV-a. Obavještenje o nabavci objavljeno je na sajtu www.ejn.gov.ba dana 02.02.2018. godine u 08,31 sati, pod brojem:1171-1-1-53-3-18/18, na web stranici Ugovornog organa www.henadrini.com, kao i u „Službenom glasniku BiH“, broj:10 od 09.02.2018. godine. Ugovorni organ je objavio tendersku dokumentaciju, istovremeno sa objavom obavještenja o nabavci, u sistemu „E – nabavke“ u skladu sa članom 55. ZJN BiH.

U postupku po Izvještaju je utvrđeno da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike i Izvještaj. Za predmetnu nabavku dostavljene su bile dvije (2) ponude koje je Komisija numerisala rednim brojevima 1. i 2.

Ponude su dostavili:

1. „Divaco energo“ Sarajevo, Ponuda protokolisana pod brojem:04-02-285/18, Ponuda broj: GD 305/18 od 05.03.2018. godine. Ukupan iznos ponude bez PDV-a je 188.700,00 KM. Ponuđač u svojoj ponudi nije iskazao popust.
2. „Avalon partners“ Beograd, Ponuda protokolisana pod brojem:04-02-290/18, Ponuda broj: c72990 od 02.03.2018. godine. Ukupan iznos ponude je 95.350,00 € bez PDV-a, što na dan 05.03.2018. godine, po srednjem kursu Centralne banke BiH iznosi 186.421,20 KM bez PDV-a. Ponuđač u svojoj ponudi nije iskazao popust.

Ponude su dostavljene u zakonski propisanom roku i uredno upakovane.

Nakon detaljne analize ponuda Komisija je utvrdila i konstatovala sljedeće:

- Ponuđač pod rednim brojem 1. „DIVACO energo“ Sarajevo ispunjava sve kvalifikacione uslove iz Tenderske dokumentacije, te ga je Komisija proglasila kvalifikovanim za predmetnu nabavku, ali ponuđene robe (uređaj) ne odgovaraju tehničkim karakteristikama koje su date u tački 1.7.1. Tenderske dokumentacije, odnosno:

a) u Tenderskoj dokumentaciji zahtjevan je bezuljni SF₆ kompresor sa kapacitetom minimum 17 m³/h, a maksimalni pritisak na izlazu 50 bara, a ponuđač je ponudio kompresor od 15 m³/h;

b) u Tenderskoj dokumentaciji zahtjevani su priključci DN20 i DN40, ponuđač je ponudio samo DN20, odnosno nije uopšte ponudio priključak DN40;

c) u Tenderskoj dokumentaciji zahtjevano su dvije digitalne vage, jedna za mjerenje boca sa SF₆ gasom od 0 -120 kg i tara funkcijom, a druga za mjerenje rezervoara za skladištenje SF₆ gasa sa elektronskom indikacijom težine. Iz dokumentacije koju je priložio ponuđač uz ponudu vidljivo je da ponuđač nudi samo jednu vagu;

d) u Tenderskoj dokumentaciji zahtjevano je da maksimalne dimenzije uređaja budu 2500x1050x1835 mm, a ponuđač je u svojoj ponudi dostavio skicu uređaja sa dimenzijama 2484x1120x1712 mm, te Komisija konstatuje da širina uređaja premašuje maksimalne dimenzije koje su zahtjeva ne Tenderskom dokumentacijom.



Mješoviti Holding „ERS“
MP a.d. Trebinje
ZP „Hidroelektrane na Drini“ a.d.
Višegrad

Odluka Uprave Preduzeća

- Prilikom analize ponude kod ponuđača pod rednim brojem 2. „AVALON partners“ Beograd, Komisija je ustanovila da ponuđač nije ovjerio izjavu iz člana 52. ZJN iz Aneksa 5. Tenderske dokumentacije kod nadležnog organa na način koji propisuje AJN podzakonskim aktom, te ga je Komisija za javne nabavke proglasila nekvalifikovanim za predmetnu nabavku.

Na osnovu svega navedenog, Komisija Ugovornog organa je konstatovala da ni jedna od primljenih ponuda ne ispunjava postavljene uslove iz Tenderske dokumentacije (zadane tehničke karakteristike i opšte uslove), te preporučila Upravi Preduzeća da se postupak javne nabavke roba – „Uređaj za tretiranje i manipulaciju sa SF6 gasom“ okonča poništenjem, u skladu sa članom 69. stav 2. pod d) ZJN BiH, te članom 55. stav (2) pod g) Pravilnika o javnim nabavkama ZP „Hidroelektrane na Drini“ a.d. Višegrad.

Iz navedenih razloga, na osnovu preporuke Komisije, a primjenom člana 69. stav (2) pod d) Zakona o javnim nabavkama Bosne i Hercegovine („Službeni glasnik BiH“ broj:39/14), člana 55. stav (2) pod g) Pravilnika o javnim nabavkama ZP „Hidroelektrane na Drini“ a.d. Višegrad, broj:UP-09-16/16 od 16.03.2016. godine, te člana 57. i 100. Statuta Zavisnog preduzeća, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu u roku od 10 (deset) dana, računajući od dana dostavljanja Odluke. Žalba se dostavlja u pisanoj formi direktno, elektronskim putem, ako je elektronsko sredstvo definisano kao način komunikacije u tenderskoj dokumentaciji, ili preporučenom poštanskom pošiljkom.

Za Upravu:
Direktor,

Nedeljko Perišić, dipl.ek.

Dostavljeno:

- Upravi,
- Ponuđačima x2,
- Službi za komercijalne poslove x2 i
- Arhivi.